

通山縣志

卷捌

通山縣志卷之八

愛山堂詩

宋知縣

蔣之奇

我愛通羊好民居山作城眼前無俗事枕
畔有灘聲

我愛通羊好環回雲水間重巒與疊嶂眞
是翠屏山

我愛通羊好清無半點塵峭山多洞戶樵
牧識仙人

我愛通羊好青山便是城白雲深處宿一
枕玉泉聲

通山縣志

卷八

藝文志詩

一

心田局

我愛通羊好煙霞冰玉間不須乘羽駕飛
入翠屏山

我愛通羊好深山不染塵數家原上住疑
是避秦人

我愛通羊好樓高如錦城青山常在眼澗
水不聞聲

我愛通羊好雙泉咫尺間不須尋謝屐步
入九宮山

我愛通羊好宗英迥出塵文章與政事今
復見何人

會仙崖

宋知縣

蔣之奇

我愛蓬萊編復此會羣仙
仙人笑拍手索我瑤華篇

十詠堂

宋知縣

王

洪紫人微

清夜滿西樓雲葉開時水吐鑑
浪花深處玉沈鈎圓缺幾時休
星漢迴風露入新秋丹桂飄香
搖素影嫦娥應惜別離愁千古
共悠悠月江南
雲雨半晴陰帆去帆來天氣爽
潮生潮滅日還沈南北別離
□□廢事千古一沾襟

通山縣志

卷八

藝文志詩

二

心田局

山下輕烟漁市遠柳堤疎雨酒家深
行客

喜尋真

風江南

風送滿長川碧瓦煙昏沈柳岸
好鎖香韻入梅天飄灑正瀟然
昏與暮長在楚岸前寒夜愁凝
金帶枕暮江深背木蘭船烟靄
遠相連雨江南

輕素剪雲端瓊樹忽驚春意早
梅花偏覺曉風寒褫佩想清歡
蟾光迴清夜好重看謝女聯詩
褰翠幕子游乘興泛平瀾惜憶
歌舞殘雪江南

江路轉平沙雨潤作烟收素練風輕細浪
吐寒花迢遞送星槎名利客飄泛未還家
西塞山村漁唱遠洞庭波上鴈行斜孤棹
宿天涯水江南
何處味偏濃醉卧春城深巷雨曉尋香旆
小橋風竹葉滿金鍾檀板碎人面粉生紅
青杏白梅朱閣上鱗魚箸笠玉盤中酪酏
任醉攻酒江南
如種復如描深映落花鶯舌亂長迷南浦
客魂消日日鬪青袍風欲轉柔態不勝嬌

通山縣志

卷八

藝文志詩

三

心田局

翠遍天涯經夜雨冷痕池上帶昏潮誰夢

與蘭苕

草江南

清翠絕纖埃深徑欲留雙鳳宿後庭偏喜

小桃開風月影徘徊寒冰瘦霜信預相催

粉泪空畱斑點在羊車曾傍翠簾來龍箏

莫輕裁

竹江南

煙藹拂人輕愁黛長空描弗似舞腰雖瘦

學難成天意與風情攀折處離恨幾時平

已縱柔條縈客棹更飛狂絮撲旗亭三月

亂鶯聲

柳江南

輕颺繡幕風二月池塘新社過六朝宮內
舊巢空頰頡恣西東王謝宅曾在桂堂中
烟逕落花飛遶遶曉窗驚夢語匆匆偏占
杏園紅燕江南
題十詠堂 宋知縣 趙善宣
十詠名堂歲月深我來訪古闢荆榛依村
結屋臨山址種柳尋花傍水濱珠玉舊傳
清唱在滄浪初棹綠波新此心樂與邦人
共要使渾如郡北春

通山縣志

卷八

藝文志詩

四

心田局

遇吳原聰懷十詠堂詩寄通山

明天順進士山東泗州副使 吳伯通 遷川 四

江南盡處是通羊一百年來是我鄉
多君詢往事緬懷遠祖熱衷腸
世家感託雙遷里風物遙憐十詠堂
未得披襟訪邱壟臨岐回首意何長

縣治八景

明教諭

陳銓

羅阜嵐光

鍾儲奠茲邑拔萃領羣山藍紫三千丈
朝暮暮閒

翠屏塔影

過林天柱斜蘸水獨龍吸高插翠屏巔雲
梯畫中立

石橋秋月

跨水石梁駕照天孤月懸潛蛟凜秋令清
夜抱珠眠

雙溪春水

春水雙溪足洪濤一夜生朦衝天上至毛
羽鏡中輕

犀港晨耕

通山縣志

卷八

藝文志詩

五

心田局

一犁天未曙百畝歲全收貪看靈犀跡牽
牛水上流

焦巖晚渡

到早立沙待過遲隔岸呼幾橫春雨後巖
上日西晡

新嶺樵歌

峻領近時開歌樵日往來息肩聲暫歇難
上韻還哀

瞿塘漁照

塘在山深處名由峽口傳簪苓人箇箇燈

火直年年

又

羅阜嵐光

邑人 唐振烈

孤峯突兀起山城立石眠雲點漢清離合

羅浮宜卽阜嵐煙一道鎖蓬瀛

翠屏塔影

屏山翠靄送青來石瘦雲枯寄草萊豈是

適然難放眼又將文筆點高臺

石橋秋月

濯濯清光映碧潭飛觴送月出城南一橋

通山縣志

卷八

藝文志詩

六

心田局

秋色無人取好召姮娥夜半探

雙溪春水

春浪桃花汛滿溪尋幽好共釣舟栖武陵

深處奇堪訪任逐飄紅鼓枻西

犀港晨耕

靈犀古蹟久標奇正在瞻蒲望杏時治世

耕耘無外事好從莘野問商伊

航山積雪

瓊瑤瑞色壓東山玉壑呈奇又石斑青女

情深驅一去但教旭日破蒼顏

新嶺樵歌

野徑新驅古嶺雲
嶺頭樵子日紛紛
負薪唱罷買臣調
朝市勞人那得聞

瞿塘漁照

瞿塘明滅漁舟火
照破溪煙數點紅
安得滄浪收釣老
重來月下作詩翁

文昌閣詩

儒學教諭

譚桓

飛霞碧閣峙城東
天府圖書在桂宮
世運原同文運啟
道心直與帝心通
光浮日月重霄外
景入山河大地中
共指登雲從此

通山縣志

卷八

藝文志詩

七

心田局

處炳靈濟美耀蒼穹

文昌閣詩

知縣

任鍾麟

聖朝文治兆精華
東閣新開桂祿賒
此日銅符陪列宿
當年彩筆夢生花
看山若送千尋碧
憑檻長畱一片霞
世薦德馨膺上祀
帝星來往五雲車

奎光閣詩

知縣

任鍾麟

巍巍丹閣聳雲端
幾度登臨幾度歡
歌引清風披綺棟
酒浮明月映雕欄
西南山色千年秀
遠近居民一望安
數載勤勞修邑

廢邇時城郭漸添觀

奎光閣詩

知邑人朱承煜

迥然高閣接奎光層構宏開甲楚湘采合

屏山圍翠柳霞分帶水映垂楊試看丹牖

新猷壯應有青雲舊業彰星聚自茲古太

史凌空身到斗牛傍

奎光閣詩

余廷誌

特地乾坤閣聚奎文林上應木天齊翠峯

捲雨羊君石白鶴軒星太乙藜桃浪遶蘭

光入畫棟隆聳阜景如攜千秋駿樹元元

通山縣志

卷八

藝文志詩

八

心田局

發望山川思自迷

奎光閣詩

武舉余夢斌

登閣舒眸應接忙奇山奇水怪文章巒飛

翠藹晴畚雨客聚星辰晝引光邃壑雲藏

仙子宅翠屏之陽有會春城花散令公香

四時色備供詩料不厭頻臨縱羽觴時北旋與

諸友陪任邑侯同飲閣上即景

洞淵觀詩

朱廷立

山溪通道院海氣接蓬萊羽客逢人笑桃

泉洗藥回洞深花未見香滿水飄來留賞

旋烹藻談元數舉杯松窻凝玉液鶴跡印
瑤台巾袂雲常濕頭顱雪不催吾已棲林
壑誰能復省臺養生還澹泊密意對君開
洞淵觀詩 縣知任鍾麟
古觀重門鎖市烟碧雲深處瀉名泉苔封
石上青牛跡芝老松閒白鶴田聚首喜陪
山作侶舉眸長仰洞爲天元都清勝應如
此莫信桃花異昔年

洞淵觀

典史穆先春

洞淵歷代觀如新三境峇遙迴出塵聲步

通山縣志

卷八

藝文志詩

九

心田局

黃庭雲鶴繞元還丹鼎火龍馴壺懸鬧市
乾坤別桃放清泉冬夏勻我愧烏飛沾藥
液謾言仙尉匪伊人

勸農亭

刻於石

知縣

秦初

案官慚政拙一遊非無事十月成徒杠二
月躬耒耜但見桑麻登不見催科吏尋常
六載餘勞勞乏撫字題崖紀宦情却愧平
生志

勸農亭

刻於石

教諭周華

玉勒嘶春風歷覽皆王事須磨萬丈崖刻

此循良志

慎獨軒

知縣

任鍾麟

靜對瑤琴敢自欺公餘補過怯虛糜晨興
掩卷思三畏夜坐焚香凜四知政拙必勞
慚撫字民安吏習免瘡痍平生所學惟如
此未信長懷實在斯

銅肝鐵胆

知邑人

郭允楨

石牛奇狀夙天成肝膽明懸顯物情炳赫
山間多異蹟登聞天表絕纖腥忠清不讓
英賢志鯁直當齊柱石名仰望題崖仙宦

通山縣志

卷八

藝文志詩

十

心田局

者立端顧義重平生

蝦蟆山

訓導

黃卷通

為惜春花片片飛蝦蟆山下濯纓歸可知
香汗浸仙骨不是瓊醪醉落暉

蝦蟆山二首

訓導

蔣士元

韶光虛度愧浮生偶爾招攜見石鯨收得
餘春歸滿袖香醪聊對薜蘿傾

二

為惜春紅萬點飛壯遊何異浴沂歸蝦蟆
山下忘懷處說甚香醪醉夕暉

羅阜山

縣知張書紳

巍巍羅阜橫羊山隱隱高峯出雲端石航
疊秀聳層巒雨霽嵐生景象妍白鶴金壇
空蜿蜒賀會丹池來羣仙諸孫羅列殊峻
嶒玉澗涓涓滄瀦天成金湯何言言萬
丈丹厓不可攀依山臨水歌斯干鎮我邑
居百千年

朦朧嶺

張書紳

清風颯颯掃朦朧萬木蒼蒼一徑通霞綺
青霄籠翠壁瓊煙碧漢罩瑤空白雲冉冉

通山縣志

卷八

藝文志詩

十一

心田局

思何極紅日昭昭色正曠憶昔愛山遺勝
蹟令人千載挹高風

翠屏山

縣知戴 諲

幾年薄宦寓通羊又喜新秋入夜涼才短
自知宜小邑心清誰復嘆空囊琴堂晝靜
槐陰綠書館風飄桂子香目斷雲飛何處
也翠屏山外是扶桑

縣門雙柏

縣知郭夢道

山深縣古樹亦奇恍是菜公植在茲鐵葉
同斟千歲酒玉梁並採萬年枝後凋不借

松爲伴分社誰言粟可支若代化工宣雨
露低徊青翠厓餘思

泮宮二槐

郭夢道

一天化雨長新枝半壁雙槐景最宜葉綠
不爭桃李豔花黃却笑橘橙遲閒忙舉子
經多少斷續蟬聲助鼓吹莫問當年誰手
植聖門高蓋有如斯

倫堂四桂

郭夢道

紛紛桂子落崆峒東序西庠各二叢花落
俄驚天乍雨蔭繁不覺日方中吳剛利斧

通山縣志

卷八

藝文志詩

十二

心田局

何堪折玉女清歌試再逢仙友若還伸舊
約相看此地卽蟾宮

泮宮二槐

舉武

余夢斌

雙槐勢與檜爭長幕地參天氣亦揚聖壤
雅堪相拱秀青華未忍獨爲芳側聆夜有
宮商韻謾謂柯能鄙國藏靜對不知煩暑
候秋來更喜說花黃

會賀仙二洞

朱之梅

兩洞桃花三月新玉人猶帶武陵春不分
白乳神仙飲輾破青山獨駕輪

桃花泉詩舊鐫石上 朱庭立

泉流混混石粼粼誤入桃源景一新可是

東君命意巧自茲雅稱避秦人

桃花泉詩 縣知 孫溥

桃花泉漱玉粼粼一掬雲英爽氣新落盡

春紅流不出仙家怕惹問津人

桃花泉詩 縣知 吳堯獻

羅阜山前重九日桃花泉上小天台官閒

亦有龍山興地僻曾勞驄馬來采采金英

浮玉笋粼粼白石點蒼苔秋雲影落吟懷

通山縣志

卷八

藝文志詩

十三

心田局

遠未厭尊前酒量開

翠屏塔 熊展南

古塔沈鎖不計年重新此日鎮山巔形超

萬壑騰雲漢影撼雙溪映碧漣差似巫峯

圓蜀郡恍如光筆照臨川題名羣起爭頑

頡永繼慈恩與並傳

登羅阜山 邑人 涂宗鑾

羅阜山前列宿堂桃花流水過滄浪孤舟

蓑笠閒來往皓月清風遍九崗

咏通山諸峯 訓導 蔣元士

我愛通山好奇哉別有天翠屏環碧水羅
阜鎖青煙白鶴凌霄立金蟾抱石眠閒來
頻眺望恍若會羣仙

登曾仙賀仙二厓

朱廷立

巖洞青山裏何年啟秘藏神工無斧鑿物
象自文章龍榻鉉功就棋枰機事忘天根
森欲下地竅暗通傍佛子懸空起仙旛次
第張循梯初伏炬望牖漸生光古字猶堪
辯幽花不斷香乍疑探武庫旋獲吸瓊漿
鳳舉餘丹穴雲歸護道場入虛神凜凜說

通山縣志

卷八

藝文志詩

十四

心田局

幻意茫茫嗟予方弱冠學道擬升堂感此
虛深景因嚴障礙坊雨厓并借號千徑總
徒長臺省歸來日頭顱忽已蒼茲遊今卽
昔夙志老當強高山與景行誰復問□昂
翠屏山

邑人朱之梅

峯頭紫蓋團青嶂晚日看山景翠屏□見
鳳龍飛漢柏尙知鳥鵲迴唐餘十年樵牧
風塵洗萬里烟雲金樹冥何似山行猶曠
海總虛秋賦問天瓶

翠屏山

縣知張書紳

青山列畫屏石塔正嶙峋
突兀煙霄起岩
巖雲霧深曉峯懸
竦穀莫汛聽瑤琴
風景
由來好韶華
屬晚春

翠屏山

導訓

黃卷通

翠屏山上綵雲生
遊子探奇傍石鯨
無限春光收未了
高情尤向薜蘿傾

大賢洞

韓衡

一徑藤蘿接遠村
紅塵不到白飛雲
擬驂鸞鵠尋仙跡
共帶琴書避世喧
老氏謾歸天竺國
秦人空憶武陵源
神仙久待烟霞

通山縣志

卷八

藝文志詩

十五

心田局

客春晚無心鎖洞門

石牛潭

朱廷立

茅齋舊在南山麓
載酒移舟快病身
經雨汀沙分淺碧
得時花鳥自纖新
銅肝鐵胆名應稱
銀漢仙槎此即真
莫道歸來青鬢改
青山合屬白頭人

題觀音堂

卽觀音巖

都御史

王應斗

堂從五峰寺分立
有普陀巖天造奇絕
踞萬山中非人跡
所易到也乙酉中夏
流寇數十萬蹂躪
武昌屬邑曾過茲堂

主僧僅以身免蓋滄桑大劫雖窮巖邃
壑無得脫者然而祖龍弗焰靈光巍然
安知非大士之力默有呵持乎余自金
陵返棹寄居山陬感慨登臨爰有是作
絕石通雲杪懸巖似海南寺連峯色五潮
送漏聲三曉樹含青旭香泉釀碧潭中原
無隙地從此得幽探
鬼斧經誰代鏤空入蔚藍勝爲天上界靈
構海中龕洞口灰盈劫巖邊骨未函寇塵
隨石火不動老瞿曇

通山縣志

卷八

藝文志詩

十六

心田局

觀音巖

唐振烈

弱公性癖愛搜奇古蹟仙踪頗不遺奈何
茲山五十載今日始得登臨之絕嶠縣空
勢磊落從下驟窺瞻半落嵌張岷岷雲底
藏怪幻聳出石錯愕宛似海外真普陀又
如蓬萊現樓閣日月風雷常護呵鬼斧神
工遜雕鑿危藤百丈倒下垂老樹千尋橫
側着浪涌雲崩巨靈撐絕頂復縣广龕壘
龕中大士傳飛來不染香煙坐崔嵬鍾山
洞裂文殊出澗南石破法象胎誰謂人世

無仙境利名到此念都灰五丁何年闢此
閒山靈法力兩情關坐久皈依神光煥四
顧嶺岱逾增歎

大泉洞

趙若楮

通羊幾岩壑茲洞如修航泉聲轟鼓激澗
氣侵衣涼臨流網銀鯽艤棹觴桂漿此中
有真趣其樂良未央

大泉洞

蔣之奇

涓涓石含泉扁舟過其下大旱日望爾神
功一飛灑

通山縣志

卷八

藝文志詩

十七

心田局

朦朧嶺

縣知

林金

山風吹霧破朦朧一笑虛聲萬壑通鳥外
斷雲分碎影竹邊流水咽寒淙倚天看劍
含霜百度嶺褰旗帶日紅直上孤峯高處
望不堪閩楚思無窮

遊大泉洞呈吳雲屏

朱廷立

獨羨神明宰風流迴不羣邀賓臨古洞鼓
棹出塵氛潭淨蘭舟集灘高野酌分園禽
窺異客山鬼避雄文日出浮龍沫波生蕩
石紋仙源何窈窕瑶草自繽紛巾舄樵樵

詫絃歌虎豹聞千厓晴滴雨萬壑午留雲
鐵石明心跡金蟬迓使君駕風騰八駿揮
翰儼三軍碧樹收青影滄浪弄夕曛迴颺
吹短髮明月照微醺憶昔叨通籍逢時愧
策勲中年辭漢闕遠志在河汾軒使吾何
有封章草自焚一枝棲自足百感向誰云
過爾滇中鳳嗟渠帳裏蚊探竒如啖蔗談
藝似聞薰妙語新來得英聲舊所欣藉君
多逸思裁謝寄慇懃

過望江嶺

訪余隱士憲

知縣

褚鳴曦

通山縣志

卷八

藝文志詩

十八

心田局

塵務勞形非一端徑危何處覓心安微行
路角二三里信步潏洄六七盤霧散天雲
羣岫列秋成穫稻野田寬茶烟寄跡幽人
室門外清泉竹數竿

堆書臺

朱俊鴻

書奇秦火不能焚疊疊重重按部分架似
人爲經樸斲臺因天設淨塵氛何勞鳥跡
添新字未許芸窗秘異芬黃卷可能容展
讀石渠閣上補鴻文

城山

朱廷立

縱目城山愜舊聞琪花瑶草自成文豈應
塵外高僧占須與溪南野客分海內於今
無戰騎石門終古有停雲他年結屋峯巒
裏白髮青藜鹿豕羣

鍾山應制

府邑知府湖州

韓衡

富川三百疊山中秀出東南第一峯勢接
匡廬分紫翠地連吳楚壓鴻濛從龍雪氣
來滄海集鳳朝陽老碧桐深幸承平黎庶
樂耕桑鼓舞自醇風

寄九宮山

提點詩蘭

虞伯生

通山縣志

卷八

藝文志詩

十九

心田局

九宮山高白雲深王子入山何處尋清香
孤鶴自致遠大海蒼龍常在陰祝侯解作
禁火井趙郎會鼓臨風琴自慚白髮歸最
晚辜負故人招隱心
芳蘭谷中結茅屋期我不來松月高六月
持書展江滸日午戴笠經山均登真有訣
問王許避地無術慚由巢誓將白髮潔泉
石清涼谷口還相遭

三閭祠

吳澶

一自汨羅沉沒後史詩褒美不勝書讒鋒

雖作當時害忠鯁猶畱百世居宋玉有懷
歌九辯賈生因感弔三閭古來肉食知多
少歷數如公勁節疎

伏波祠

貢歲

王家幹

東漢賢豪馬伏波功高識遠本無過祇緣
一拜周旋簡遂啟羣猜謗誹多雖困壺頭
悲末路終留銅柱界山河於今赫濯隆祠
祀象繪雲臺可抗磨

多寶寺

朱廷立

城頭隱隱漏疎鐘睡起山翁一拄筇古殿

通山縣志

卷八

藝文志詩

二十

心田局

尙畱前度句年華易老後生容憑誰下榻
能分芋當暑移尊喜近松衣鉢相傳知己
遠佛燈高燭白雲峯

其二

出郭共畱江夏騎登山偶借老松筇路斜
修竹籠虛閣風送歸雲補斷峯學士俸錢
緣酒盡郎官吟興爲花濃相逢且向風前
醉明發風烟知幾重

多寶寺

陳宗夔

蚤從祝髮事齋鐘愛爾逃禪費拄筇偃蹇

已非前度客逢迎，仍是舊時容。坐深洗鉢，
延叢竹，經罷焚香，對古松。自此上方思結，
社未應，清磬隔中峰。

多寶寺

林翰

舒宏緒

誌公飛錫處，白鶴已先棲。卽席天花滿，登
樓法雨低。屏開崖阜北，航渡石橋西。爲問
重來客，今分太乙藜。

多寶寺

都御史

李濬

徙倚谿頭起暮鐘，呼僧絕巘更支筇。千竿
碧玉深春色，萬疊青螺過雨容。鳥亂梵聲

通山縣志

卷八

藝文志詩

二二

心田局

催濁酒，月隨人影下。高松他年一衲棲，身
處知在烟霄第幾峯。

多寶寺

通判

徐棠

風吹清韻寺樓鐘，野興飄飄日抱筇。恢廓
才華瞻叔度，周旋尊俎媿茅容。花香酒氣
渾交袂，舟唱歌聲宛入松。郢曲傳來皆古
調，不須江上數青峯。

多寶寺

邑人舉

徐昌時

高僧炊熟卽鳴鐘，麗藻宜予過短筇。翠竹
濃煙相掩映，澄心欸語自從容。袈裟雲染

身歸洞棋局風聆手斲松白鶴何年置蘭
若不須飛錫住廬峯

安平寺

朱廷立

醉罷壺觴問太空上方幽勝迴難同春風
雙屐十年約夜月千峯一徑通總爲探奇
多傍險便應揮翰與孚雄相逢何必論分
芋煑茗焚香思不窮

安平寺廻文詩和玉波任邑侯韻

副知縣

朱承煜

濺潑水內鉢聲潺雨墜花峰挂錫鑲圓影

通山縣志

卷八

藝文志詩

一一二

心田局

月光揮棒喝散氤爐靄點雲斑泉流過石
松依繞嶺絕窺雲磴倚攀煙翠護僧高勝
賞巔危闢宇寺銜山

安平寺

余文鶚

曉發叢山路渾忘步履艱登高到天際過
險破雲關放眼乾坤外收春肺腑閒叅禪
開一榻恁他得寬閒

安平寺

王家幹

僧住安平寺人呼小九宮千尋巖噴白幾
嶂樹翻紅仰面看羣岫隨肩納遠風青田

肥遯處終古涉朦朧

飛龍寺

真正 阮士楚

名山寂歷境如仙半作吾儒半作禪四面
青峯怡惠遠一林綠竹契陶潛虎谿笑別
時難得蘭若袂分恨暗牽未便破符畱調
水回瞻故舊每殷然

郭城寺次韻

朱廷立

野情花事頗相關寺外周遭更好山杵臼
夜聽松樹裏盤殮春在草堂閒淡雲忽送
疎疎雨新水遙添淺淺灣浪說蓬壺浮海

通山縣志

卷八

藝文志詩

二三

心田局

上始知仙境亦人寰

書靈泉寺壁

朱萬仰

波浮古寺寺浮烟門聽潮聲屋似船千尺
虹吞山外雨一痕月破水中天虛空終不
妨詩癖放浪還須署酒禪慧業鈍根了可
悟篝燈靜對佛光元

靈泉寺晚坐

朱廷立

村舍酣秋酌山門坐夕醺鐘歸依梵鳥山
渡護龍雲蓬座通泉脈珠林耀水文前遊
今已久問訊舊僧勤

遊雲梯寺和林焦涯韻 朱廷立
登覽原無約 山僧何處歸
邨醅呼可得 禪榻坐生輝
野水團雲鑑 寒花繪石衣
諸君有佳思 揮灑迅如飛

茅田寺

按巡

陳宗夔

夔幼隨 父讀書 茅田寺有鵲巢
其上 父恐爲物擾 命夔易位 鵲
亦復易巢 感而有賦

暫將書劍此中畱 理會先天性命悠
物色盡同春色好 文光高映日光浮
鳥覘徵應

通山縣志

卷八

藝文志詩

二四

心田局

還歸我鶚表 朝陽占斷秋
此處知瞻紅日近 伊周事業擬同收

北山寺

知邑州人

姜時棠

昔年從此借僧居 琢玉山中二載餘
憇石不嫌蒼蘚滑 捫蘿時愛紫雲紆
春歸竹院頻攜酒 月轉松廊尙著書
白首重來高卧穩 等閒去住興何如

夜過靈泉寺

史都御

王應斗

已作逃秦計 聊同過宋行
岸煙迷古逕 林火映孤征
處處防人語 家家畏履聲
那知

風鶴夜猶有老僧迎

二

衝寒依古寺聲影夜來稀
嶺外占烽急村前候息微
野龐偏好事山鳥亦多機
竟日空皮骨誰言遯者肥

三

精舍重遊二十年水寒山老復依然
靈濤自泛松閒雨香積時分竹裏泉
永夜話禪青草榻有人吹笛白雲天
不緣避世尋幽險那得逢僧學坐眠

通山縣志

卷八

藝文志詩

二五

心田局

四

敝帽青鞵信浪蹤溪光林影自重重
雲間蜃氣生樓閣山下靈泉應鼓鐘
近浦雨殘朝看竹隔床風細夜聞松
誰言惠遠疎靈運亂後逃禪興亦濃

靈泉寺迴文

韓衡

蓮座寶光慈化風體如來卽梵塵
紅簾紗捲處馳烏兔錫杖飛時伏
虎龍禪戒有元談裏靜道心無慾
色中空天生佛地靈泉寺煙鎖關
門山擁峰

萬杉寺

崇邑知縣

陳曾

攬轡天雲路登登上萬杉峰巒擎日月樓
閣插烟霞冠蓋層霄裏壺觴曲水涯喜逢
春正好十里杏林花

茅田寺

孝子

葉相

大化無停轉若車梵王宮境半儒家庭柯
百結還前樹山鳥數聲非舊霞雨裏忘情
人易住杖頭無挂酒難賒不知後日諸賢
出筆跡何僧籠碧紗

龍巖寺

朱廷立

通山縣志

卷八

藝文志詩

二六

心田局

明月清和夜携僧見性靈窻虛樓滿白山
近樹交青尋洞歸龍護談經倦鳥聽詩成
多逸思短袂舞中庭

杉坑寺

朱廷立

入夜尋名寺追歡集衆賢佛燈分照席村
釀買辭錢林暗傳花氣山空響石泉野雲
畱樹杪春服舞風前舊榻甯須借高僧共
不眠笑予諸事懶妙賞一何便

翠屏寺

朱廷立

古寺多幽勝尋遊思欲飄山橫餘萬竹路

盡得雙橋雲濕衣裳潤林芳鳥雀驕况有
樓居好瑶琴自可調

九宮山

宋

謝枋得

真人何代結幽棲累世奎章煥紫泥日月
高奔黃道近衡廬傍出玉繩低

九宮山

學士

宋 嫌

崔崔九宮山翠蕤倚層青飛觀峙後先宸
奎爛晶熒中有遯世翁霞衣佩蔥珩仙徒
一萬指執簡聽使今年來邁兵燹散足如
流星翁獨牽青牛尋雲自躬耕翠華幸江

通山縣志

卷八

藝文志詩

二七

心田局

漢扈從森幢旌俯伏黃鶴磯再拜陳自情
天日下照臨簪裳受餘榮今又奉璽書翩
然覲神京太官給珍膳法酒雙玉瓶祇因
逢景運重際泰階平致使方外士恩寵霑
鴻靈一旦賦歸歟行裾逐雲輕自言當弱
冠綠袍佐山城風露感末疾離家煉黃甯
藥烹日月鼎符沸龍虎經中氣昭象先元
覽極窈冥欲期啟泥丸翀飛出孩嬰名花
滿皇都春風語流鶯景物非不饒歸思竟
纏榮芳歲去如矢逝波日堪驚純陽一銷

鑱重陰遂相乘余聞重自愧顛毛類枯莖
逐物向役役棲身亦煢煢幸有一寸丹能
與萬化并何時滴秋露相期註黃庭

九宮山

曾魯

我家羣玉山南陬君居蒙頂最上頭相望
欲識嗟無由摇摇心若風中旂君從少年
慕遠遊替驂笙鶴仍丹邱冠星佩月露爲
裘口誦赤玉靈書謠摩斥八極隘九州後
天不老三光調故鄉臨晚無停輶下視起
滅如浮漚九宮山高明翠虬真牧之子世

通山縣志

卷八

藝文志詩

二八

心田局

莫儔君居其閒業焚修五十餘載無悔尤
翠華昔駐鸚鵡洲承恩召對黃鶴樓敷陳
屢沐天語酬太官持以白玉甌去年弓旌
復旁搜麻鞋徑入朝冕旒辰星繁麗不肯
畱日夜稽首還山求山中之人寄書招雨
餘黃獨苗新抽芝草琅玕弄春柔不歸負
此巖壑幽龍江送別情悠悠鄉人歌作商
聲謳

九宮山詩四首

參郡政人 吳國倫

挂杖尋真去漸遙彤雲片片起山腰金函

隱約朱陵闕，貝闕氤氳絳節朝。古蘚平封
雙劍石，懸泉直瀉萬山橋。關門喜遇黃冠
子，指點仙宮在碧霄。
天闢清都紫氣賒，萬山靈勝蠹仙家。登壇
旋拾金光草，漱水曾吞日月華。見說至人
能羽翼，總畱遺像只烟霞。由來九轉非真
訣，葛令虛傳勾漏沙。
獨躡飛巒御八風，逍遙萬里一冥鴻。神仙
樓閣虛無裡，吳楚山川指顧中。問道欲窮
三景秘，棲幽聊借九靈宮。真師白日騎雲

通山縣志

卷八

藝文志詩

二九

心田局

去天路人閒，咫尺通
積翠凌霄俯，四荒故宮營。自晉安王名，
終古畱真氣。羽客何年返，帝鄉黃鶴似。
芝蓋轉綠雲，偏映蕊珠光。總知人世如棋
局，那得逢仙七日忘。

宿九宮山觀與阮子在田夜談二首

吳國倫

共有登高興，招攜九月來。草荒迷藥井，雲
淨出丹臺。遶檻羣峰暝，衝星古觀開。授真
人不見，中夜生銜杯。

入山同阮肇采藥遇胡麻豈卽天台路聊
尋羽士家老餘仙骨健狂益酒懷賒一枕
黃梁夢浮生總未涯

登九宮和誌中諸公韻

人行

孟養浩

獨對仙峯作敬亭萬山深處竹枝青卧殘
物色松爲夢煉就丹砂石亦靈鐵屐踏穿
塵世界金章飛下宋宮庭由來世主多崇
異一詔輪臺未忍聽

感九宮風景期舒崇孝相業

崔嵬三徑道蕭瑟九龍途馬逐猿聲入車

通山縣志

卷八

藝文志詩

三十

心田局

從鳥跡驅數峯森玉燭千樹擁金爐鬱鬱
深山裡應知有鳳雛

登九宮感懷

我來謁至人至人羣峰頭地遠絕頂巖澗
空泉樹幽瀑捲千江雨崖懸百尺虬鶴飛
雲影瘦鸞過石聲愁置身直天上諸物寡
所儔昔年山下人來此經霜秋重過忽初
夏草木含風流笑彼杖藜者感懷空悠悠
立志匪不高而與世道遊所期在功業王
衍空清修吁嗟行路難我甯失其初古人

登泰山慷慨願爲徒

九宮山

教諭 柳東作

崑崙登萬丈仰見九宮仙法相原何代靈
光自亘天蒼巒香燭竦白瀑磬鐘懸朝罷
還丹壑遙疑鶴馭前

九宮山

逸士 陳家相

勝地真仙跡應須到上頭萬山千古色曲
徑九宮幽鐘鼓聯天震烟霞並日浮塵絲
不受織更復有何求

九宮山

邑人 姜時棠

通山縣志

卷八

藝文志詩

三一

心田局

九宮山聳白雲巔乘興來尋辟穀仙丹鼎
金砂看火候玉函寶錄覓真傳煙霞偏歷
憐予癖山水重逢訝世緣俗慮坐來消化
盡幾回吟咏碧桃邊

九宮山

知縣 朱紱 元解

南來欲向九宮遊今日憑虛到上頭聞說
飛仙天外去何緣遺玉此中畱精靈如在
懷丹境宦業無心戀帝州我若浩歌歸去
好生平徒有濟時憂

九宮山

知縣 陳可耕

瞻拜神宮夙世緣
渾如身世在諸天
雲迷殿閣侵長鬢
露滴林鳥濕短肩
念釋塵消心似水
境光物化日忘年
此生休歎還多事
一到深山便是仙

九宮山

縣知任鍾麟

劃斷塵凡路不遙
雲程迢遞躡天腰
金容若渥畱清闕
玉簡重封日宋朝
疊磴一絲藤作結
懸崖千仞鐵爲橋
人間也有真仙住
却說真仙在九霄

冒雪遊九宮山

邑人唐振烈

通山縣志

卷八

藝文志詩

三二

心田局

三尺筇竹雙不借
冒雪破霧靈山宅
靈山之宅雲作關
天風高颺許人攀
瑞花鋪瓦鐵成銀
玉塵飄戶石爲璣
瑞慶宮石老樹盤曲瓊玖
燦龍潭潛瀆落虹
伸摩巖穿澗覓泉
穴前去百武巖噴
雪盛夏當之骨髮
寒况值冰柱垂巒
嶠素虬飛注衝波
急隙壁橫奔萬仞
立雷轟霆怒風激
濤珠濺布瀑落膚
級未及地半化作
塵天河倒放下無
滴歸來念及耳猶
聾隔岸遙闕心膽
恍峰迴路轉尋仙
洞陶姚二仙古蹟
通隱隱

石广半藏揭藥臼丹鑪尙明滅排空立險
石疑人錯落騰驤馬耳挈縱目蕩漾銀海
搖萬壑千崑霧淞塞此時安得銀不律虎
頭寫出空瓏色道上不逢葛三來洞中松
膠憑誰得李勝灰袋媿術窮鞞瘡足折行
跛踣且就道入效陶家取水烹茶餐晚霞
獻詩爲謝斗大花

通山縣志

卷八

藝文志詩

三三

心田局

九宮山行

侍郎朱廷立

嗟乎九宮山高不知幾萬丈神鰲移來自
海上天地東南有偉觀鬼琢神雕誰可狀
千巖萬壑何龍從東與蓬萊相並雄至今
海上羣仙會共羨中原有九宮兩厓山人
頗好奇登賞每與茲山宜天風爲我吹陰
翳白日爲我開心期捫蘿振袂歷茶寮古
廟丹青鎖寂寥飛泉噴雪萬仞下而我髣
髴聞風潮穿林下坡復上山兩峯雄立爲
仙關凡夫到此不肯上恐驚天上嗔人間

歸雲橋轉萬竹連石屋雲關生翠煙側身
已覺不在地仰面長嘆真上天當關巨石
誰所闢云是仙人試劍石石上何人更作
亭奇字殘碑猶可釋千盤百折到宮門怪
松倒石驚人魂向來他山望不極爾今眇
小如兵屯巒迴徑轉忽平衍雲閒隱隱聞
仙犬羣峯環抱中如村直造壺天興不淺
道人相見樸且野無乃桃源避秦者陶姚
仙臺日在眼花木當窻秀而治東溪西溪
襟帶流龍厓虎厓佳氣浮地高鳥雀不得

通山縣志

卷八

藝文志詩

三四

心田局

過潭光隱見蛟龍遊入夜仰天天氣清撥
雲峯頭斜月明明朝山下人傳說昨夜滿
天風雨鳴吾聞真人昔棲此解道談元得
宗旨奎章遙下天子庭遂使茲山遍金紫
真人乘雲不可尋蟬蛻猶存香火深謝公
詩句天下重我輩疎狂時一吟鳳凰山駱
駝嶺青猿洞白龍井眼前俱是空中景曾
須揮洒璫瑤篇景物文章共馳騁君不見
周子著書南嶽側七十二峯皆變色又不
見晦翁鼓枻武夷濱九曲之水皆精神

九宮山行

御監史察 陳宗夔

巍乎高哉九宮之山去天未盈丈青螺突
兀蒼穹上雙懸日月弄奇觀掩映乾坤百
千狀日觀天柱稱隆嵒回看到此還嶒雄
龍岩虎谷總芝壑真人遂詣開元宮我聞
眞人事亦奇幽棲宿與崇山宜黃精嚼盡
却羽化祇今石室懸安期山前煮茶舊有
寮茶烟縹緲山寥寥更有虹泉向空落灑
灑雜樹流寒潮憶曾探歷登茲山步趨拔
特凌天關星辰灼爍手可摘白榆宛在空

通山縣志

卷八

藝文志詩

三五

心田局

中間西望崑崙山谷連蓬瀛咫尺生晴煙
初從下看如尖削到頂忽訝平橫天雲洞
風來自開闢列岫呈奇貢花石懸梯織鐵
寡行人稍稍逢人半仙釋嘯歌誰欲依蘇
門蘇門臺蕪翻消魂何似茲山迴巉絕嶽
崑珠樹長雲屯馮高曠望足游衍碧桃深
處藏雞犬道人種玉自何年開遍山雲未
云淺九嶷昔欽洞庭野九宮更寔超然者
潺湲流水如桃源烟爍丹爐似洪冶苔碑
蘚勒多名流羣峯杳靄朱嵐浮雲中委珮

遞隱見芝童若下相招游一時靈異通太
清琅函勅賜來承明欽天瑞慶此華額陰
岩白日雷風鳴東西勝跡應輸此寶籙仙
符悉元旨真人今去幾千秋猶剩赧光賁
山紫兩厓夫子重幽尋攀躋直上雲山深
作歌鏤石最高頂宮潭清夜蛟龍吟君不
見李白游仙白閣峯綺園謝俗紫芝嶺又
不見少陵長憶金鰲山昌黎高歌玉蓮井
古來賢達各有趨不獨流連度光景自余
挾策違故人夜夜車輪夢中騁還思瑤草

通山縣志

卷八

藝文志詩

三六

心田局

宮厓側人多採食嬌顏色何當移置燕水
濱獻之當代頤明神

羊山賦

王星耀

通志既成星耀乃摭其大校賦之以便省
閱賦曰絜維羊山荆揚之介翼斗之墟奄
茲色絡山川縈紆東屬當川南接武夷北
界永安西隣雋溪鬱翠屏之蒼蒼兮瞪石
塔之崔巍依羅阜爲金湯兮建峭拔之鴻
基棲白鶴而懸金壇兮石航綿亘而纍纍
龍塘仰天而舞遊魚兮緬張李之懿蹠羨
九宮之蜿蜒兮慕仙家之元壝於是躋太
平橫歸雲踏含泉上天亭過三峯啟洞門

通山縣志

卷八

藝文志詩

三七

心田局

立寶陀峙大尊伏試劍而蹲伏虎兮望松
坡之崢嶸釣月臺於乖崖兮嘉半子之清
貞憶疊山與虞白兮播往哲之休聲扶拄
杖而坐石床兮鳴石磬之徽音開新嶺而
陟石梯兮見張公與陽城據兩厓而聳筆
架兮飛山峯之鷓鷹乘白羊而跨馬鞍兮
躡朦朧之嶙峋翫秋月於石礪兮咏雙溪
於芳春歌漁照於瞿塘兮撫八景之良辰
登書臺而眇白公兮聆泉聲之泠泠若乃
紫姑阮婆七公普庵大賢長崙焦巖吳田

愛山際雲勸農飛仙雲館去思步虛炯然
犀港丹池牛潭龍泉石壓石場大城高坑
行遠登高通津喜遷奇蹤異蹟碁布星纏
於是山則瑶葩藍袍芳菲艷麗青茵綠綺
競爽爭奇含英帶雪霓裳霞裾誠可翫也
佳木葱蘢清風時鳴美景淑節萬鳥嚶嚶
調簧奏曲夏噪春吟實可喜也田則原隰
沃壤膏腴連阡黍稷重穆豐我困廛亦可
樂也水則曲波塗流潏潏旋環鱗甲耀錯
煥爛錦班爆采嚇鯉晃淵乘湍又足怪也

通山縣志

卷八

藝文志詩

三八

心田局

茲物產之繁碩洵幅員其溥長里六都而
戶千口兮田千頃而有奇遂履畝而定稅
兮課桑麻於繭絲清里甲而平丈兮歌鴻
雁於流移亶茲土爲樂國兮遇太平之貞
期維貞元其會合兮長發祥於雉湄協中
爽而沛靈潤兮誕頌碩於明時或頤情於
典墳憑汜濫於藝闡遂紛紜而揮霍爛雲
衢而揚輝或厲節於修姱每要練而幾羈
遂鄉舉而里選遙軒冕於塗泥或誓志於
考槃甘邱園以遯肥時放情於山水日啣

盃而賦詩於是大者策天府書秘局注起
居秉鈞軸夔臯之儔也小者驅五馬朱轡
穀親縣牘召杜之匹也至其高尙棲遲者
隨光之介也其抱樸導引者偃鏗之流也
蓋其出處各殊窮達不齊坌署名於青史
藹清標於里閭若夫顯秩被祿儋爵析圭
撫茲百里民之攸暨遡邃古之循良聲展
采於宋季爰登祠於名宦遂食報於百世
嗟天降祐於通羊兮昇賢宰於下雉伊宦
業其炳烺兮稱元元之師帥於是崇仁讓

通山縣志

卷八

藝文志賦

三九

心田局

而全忠信兮興孝弟而敦禮義尙廉節而
致謙和兮懸匾額於巷衢設鄉約而建亭
榭兮樹後世之宏規葺黌宮而創櫺星兮
曰髦士其攸宜維鄉賢其巍巍兮定千載
之黃雌至如耆儒碩老接武承璿澡德浴
行雄渾瑰琦言爲典謨詞成蒼龜或雜出
於傳記或寄興於歌歛悉文繁而理當都
細大而靡遺綴下里於白雪並先昭於編
韋蓋茲邑之羣美總括爬於斯須鼻邑乘
之權輿修初服於今茲亂曰操觚牘兮下

董帷競秉筆兮褻瑕瑜業經畚兮薄稗糝
震麗藻兮紛芳菲稽往蹟兮闕所疑囊今
古今掘筌蹄百千載兮震鼓吹

通山縣志

卷八

藝文志賦

四十

心田局

翠屏山賦

知縣

韓武

瞻彼翠屏名同實二一在北平之薊州閣
黎今古傳奇事一在通羊縣治南雲霞變
幻日影含迢遞當軒翠欲滴攀躋山頭色
已藍蒼鬱蔽徑苔蒙茸映臺萊恍若華筵
開孔雀瑤池雉尾擁車迴金蟾氣吐遙相
繫北斗移名朝百世石航虛其左方壺員
嶠游從我白鶴出其右蹠躡跨舞何人又
中有神仙洞玉筍嶙峋石床籠丹竈丹爐
杳無跡萬家煙火振遠空夫乃天根月窟

盡昂藏樹隙翹然回首望鶯遷橋上鶯飛
去鶯遷橋下水湯湯憑弔楚大夫三閭祠
一隅湘花湘竹暗嘒嘒夜啼烏

通山縣志

卷八

藝文志賦

四一

心田局

翠屏山賦

教諭

廖

瑾

嗟翠屏之山兮根何自而盤旋肇元黃之
儀分兮引岷嶓之後先歷九嶷而跨大別
兮迤江漢之南孺東北起伏兮脈絡蜿蜒
突然孤撐兮通羊之前圓峯不峻兮珠光
爛懸卧石不竦兮玉花靜妍依稀乎祝融
之天柱彷彿乎大華之金蓮徘徊顧睇孰
與比肩彤霞珣碧瓊崖冰田物寶旣萃鍾
英與賢乃地靈以鎮妄想禹跡於當年

九宮山賦

庠邑廩

朱襄朝

維混沌之初開峯疊起而有九乃巉岩之
環列勢盤旋而若宮歷千秋兮據吳楚之
勝伊何人兮闢山形之穹或曰是晉安王
兄弟之所托始或曰惟陶姚二仙嘗煉丹
於其中然時既遠而莫考事多渺而難窮
粵宋之淳熙丁未張真君曰三峯始結廬
於此焉初遊中都識慈懿母后於晦迹之
日繼召便殿療齊安郡主於違豫之年真
牧號錫帝授壇緣泊定位於子午之谷旋

通山縣志

卷八

藝文志賦

四二

心田局

畱蛻於平壺之巔天子遣工以營構詞臣
灑翰而聯篇爲此山開一生面覺雞犬之
皆可仙其間煙雨之所迷漫霽陰之所連
綿變幻萬狀頃刻有千迴非等人世之光
景是神仙之別具洞天其旁有池深潭千
尺其聲澎湃其色蒼碧鮫人之宮龍魚之
宅水流旋噴怒號曲折若懸河之倒傾若
白練之光澤若返雪於風迴若建瓴於屋
脊其環山一帶則怪松呈其坡伏虎顯其
奇桃源有避秦之客獅子露搏掬之遺土

人傳誦仙跡不迷豺狼之所雜處風雨之所陰翳澗谷之中時聞警欬馳驟之餘恍有人猗若遠若近若卽若離其自宮門而降則爲雲關關上有亭亭在雲間雲斷續以出沒鳥逡巡而思還東山之屐履罕至周王之馬跡維艱洵重門之壁立儼抱擊以投閒於是當關巨石或仰而伸或俯而伏試劍何人渺不可復鳥道紆迴層巖曲禿無斌媚之可言惟蒼翠之堪掬時俗之所敬承高士於焉辟穀步厥後塵恍遊天

通山縣志

卷八

藝文志賦

四三

心田局

竺識靜者機伊惟邛獨試開緘以陳詞抒短篇於尺幅料谷神以不死又何五子之不可六

松風閣賦

生邑廩

朱襄朝

聳彼高閣西山之雄峙寺之右厥名松風
勢際天半旋盤地中據形勝則周環乎岷
江之水選巖壑則延眺乎樊山之峯控九
曲之紆折倚百尺而玲瓏雖非等天祿石
渠爲古今藏書之宅更遠遜邇英延閣爲
朝廷名儒之崇然而幽芳雅致潭影心空
步上乘抵禪叢洵蓬萊之島嶼恍閬苑之
晶宮爾其蒼蒼競秀亭亭直上覺澎湃而
有聲擬秋濤之在望春日載陽惠風和暢

通山縣志

卷八

藝文志賦

四四

心田局

祝融司口披襟可當迨夫蓐收謝權朔風
其涼百卉之鮮妍雖斂高閣之逸趣萬狀
其旁有亭羊腸紆曲氣象崢嶸拔去一林
亭遂以成亭附於閣閣以亭名遠而望之
列岡巒之體勢近而卽之極棟宇之縱橫
坡仙之所鼎建山谷愛其幽清其下有泉
其名曰寒水聲潺潺泉流急湍襟帶南岡
之湖迅通蜀漢之干時或風起水湧山鳥
谷應洵耳聾而目眩儼人馬之驟灌雖吳
王有避暑之名而冽風逼人借非元結輩

得不踞此而心酸乎則見乎闐闐斜通商
民輻輳煙雲之所迷離風雨之所馳驟登
斯閣也悄然以悲骨立形瘦彼飄若仙覺
我穢陋此庸夫俗子之所絆縈未足達觀
世宙者也武昌亦吳楚之門戶爲八郡之
要區與蘄黃而對峙實一帶之通衢高人
達士莫不登是閣而慨當以慷嘯歌自娛
但恨黃鶴有詩滕王有序岳陽有記而此
獨不與俱其或胸羅萬象學搜二酉有物
是人非之思有憑今眺古之致登是閣而

通山縣志

卷八

藝文志賦

四五

心田局

左顧郢坡知鬻熊之啟疆有自來矣弔鸚
鵡之洲傷正平之死而惜其不智其右顧
荆黃憶臨臯步雪堂緬道士化鶴之夢誦
清風明月之章調子晉吹笙之管入陳思
挾瑟之場抒發逸興遣訶若狂哀屈原之
志小賈誼之量極馳騁於六合而橫軼乎
三湘迨其內瞻都邑形影若隻景物民人
迴焉非昔聖賢邱陵逆旅過客陶都督之
故居等坵墟於梓澤庾常侍之風流閱人
世其遙隔何茲閣之猶存歷春秋而已百

苟藉不朽甯印獨窄又奚必侈結綺與臨
春以驚心而動魄

通山縣志

卷八

藝文志賦

四六

心田局

縣治八景集句

教諭

汪德謙

羅阜嵐光

出處殊途聽所安元好他鄉風景亦相關

皇甫冉公庭日夕羅山翠吳師道拂石題詩滿

袖嵐杜景熙

翠屏塔影

姑洗鍾搖塔上鈴韓偓風吹仙翰入高冥

楊士汝癡雲不散常遮影陸翁放三面青山列

翠屏俞琰

石橋秋月

通山縣志

卷八

藝文志詩

一

心田局

萬里風烟接素秋杜甫月明多上石橋頭

白樂天闌干十二登臨後吳融記得當年此

泊舟孔平仲

雙溪春水

更邀詩客醉南樓曹唐却羨雙溪解北流

李白金闕曉鐘開萬戶岑參鳳池春報曲

江頭楊巨源

航山積雪

飛雪初停猶未消楊士奇尋芳不惜碎瓊瑤

王英偶逢遊客同傾酒姚合絕勝騎驢在

灞橋

顧潛

犀港晨耕

世間無水不朝東

唐句

心有靈犀一點通

杜審言

晨霽有人耕綠野

高士奇

大田多稼屢

年豐

毛詩

新嶺樵歌

斧斤以時共入山

孟子

上到巉巖第幾尖

白樂天

肩荷曉穿雲外去

陸翁放

數聲樵唱出

林間

惠仲

瞿塘漁照

通山縣志

卷八

藝文志詩

二

心田局

半畝方塘一鑑開

朱文公

風船解與月徘徊

蘇軾

炊烟起處漁燈燦

李崱

白白江魚入

饌來

杜甫

八景合詠迴文

邑人

朱開忠

浮嵐擁阜層羅綠翠點遙屏疊影圓秋夜

一橋橫月白碧流雙帶綰溪烟頭盈雪積

航山石曉破犁耕犀水田幽谷載歌聲嫋

嫋小舟漁照火綿綿

九宮山

失名

行行行至老山腰足踏元關萬慮消瓦缶

煎茶然竹葉巖泉煑飯繞牙瓢重重疊疊
雲千片曲曲灣灣路一條此去上方應不
遠擔頭明月自家挑

謁九宮

富川翰林 潘觀藻

印敕尊南宋樓臺閣上清松風激夜氣潭
影淪星精一勺霑吳楚連峯各雨晴凝懷
笙鶴下傾耳步虛聲
峻極二霄上凌虛一劍寒垣重朱鳥衛淵
古白龍蟠團雪瀑簾晃醉霜楓葉丹何當
卓茆屋灑掃侍經壇

通山縣志

卷八

藝文志詩

三

心田局

六窖嶺行

庠邑生人 謝盤石

行盡城南深谷裏有山突兀凌虛起吳楚
往來行路難嗟無愚公感天徙攝衣昂首
登羊腸扶搖直與風翱翔穿松傍竹緣所
曲飄然但見雲開張祿壽古菴在山半甘
露門高接霄漢有客有客入座多息足爲
平心氣亂地有險道何崎嶇於人那不爲
畏途信必弩力窮絕頂大亨從可何天衢
齊雲峯

邑貢生人 韓履吉

一峯突兀楚天孤直上孤峯不倩扶擬際

風雲依日月那妨星斗碍頭顱更無荆棘
畱方寸惟有芙蓉入畫圖俯仰乾坤成獨
笑諸君何事惜操觚

過巖軒雨後即景

導訓 曾繼蘭

巖軒山勢何崒屺一峯一峯煙際出雨色
霏微石氣涼雲陰破處露斜日斜日搖光
上列屏林巒炫惑眼俱青清心讀罷文忠
傳又聽泉流滾滾聲

石門歌

有序 邑人 朱廷立

余舊聞石門山勝矣秋爽動興肩
輿訪之徘徊日晡誦子美石門斜

通山縣志

卷八

藝文志詩

四

心田局

者日到林邱之句若為言
韻作長句云

君不見石門奧區多畢迹兩峯並如兩虎
搯千尋絕壁橫當中風節誰能如此石絕
壁劈開曰石門神力渾無斧鑿痕伊余循
澗且直造始覺源頭還有村村中四處皆
人家爽道松杉鳥雀譁時和遍地嘉禾熟
父老歸來日欲斜此中舊識情仍密一笑
相逢話平日自雲長揖謝塵網咫尺石門
嬾不出延余開尊對石林酒巖力弱醉易
沉登輿一路放長句流水高山獨賞音此

心樂處卽丹邱客子何須慕遠游
眠前有景不知樂縱得丹邱意不投
朦朧嶺舒之烈詩失俟後補刊

通山縣志

卷八

藝文志詩

五

心田局

覃恩勅封孺人徐母吳老太夫人八袞榮壽
序 永謨之母 知縣 黃國楹

徐母吳太夫人 朝翁年先生萱堂也乙
丑歲 朝翁赴春闈 不佞 適在京候選獲
與 翁遇見 翁德性學問溢于容貌坐
論間俱是忠孝底裏溯其源始知爲東海
名裔通羊鼎族 翁以丙午科登賢書其
仲弟 仕翁以韜畧偉才於是科偕薦季
弟 紹翁俱以郡邑名儒早列黌序禮容
家風調元世業信有自來矣既而詢 太

通山縣志

卷八

壽文

心田局

夫人發跡則前輩宜都廣文

榮封吳老先生之令媛也先生家世歷朝及
我

朝俱以科甲冠於通 太夫人生產名門夙嫻
姆訓自幼儀度莊嚴迥非尋常巾幗比長
適 弼翁太先生克敬克勤雖未及事舅
氏而事姑孝謹鄉里罕聞至今咸欽羨之
已酉歲 太翁以膠庠夙望促修玉樓而
太夫人愈嚴家法訓誨惟諄凡彬彬雅雅
卓然名世一望而知爲 太夫人孫子也

不佞於戊辰秋膺簡命蒞茲土與令嗣諸年台輩晉接款洽向所得諸耳者今盡諸目睹而益卜太夫人之福德靡涯也是歲六月初吉乃太夫人設悅之辰都人士祈余一言以觴余躍然曰方今聖天子以仁壽愛養天下風清禹甸人樂堯天覃恩四方更賜諸老婦粟帛有差矧太夫人鍾仁壽之德秉祥和之休而令嗣朝翁現試用江南大和阜陽來安等縣華封寵錫倍有異焉者其敢以不文辭自來祝嘏

通山縣志

卷八

壽文

二

心田局

者歷引南山東海爲詞不佞備員楚省思岫嶺衡嶽與洞庭夢澤惟楚有之可以祝太夫人而未也卽如通邑之九宮翠屏天門對時而百川方至與長江表裏亦可以祝太夫人而未盡也不佞更有進焉聞之壽者厚也世德厚積坤德厚載惟厚永貞請爲太夫人進一爵壽者酹也孝通帝謂慈裕後裔如芳醕之獻而必疇請爲太夫人進一爵抑壽者受也惟天善因惟人能受如其人斯受之請爲太夫人進

一爵况朝翁年台歷任未幾而清風四
播行見花封永寄虎符旋縮二難濟美佐
聖天子湛涵萬有民安物阜則天之壽太夫
人者未艾而翁之體慈闈以壽世而報
國者更無疆也不佞於此願偕諸君子躋
彼公堂並稱三爵爲太夫人壽請卽以
斯言進

雜記

志中所紀悉依類或以地志或以人志
 其有義無所附事涉奇怪者亦足以昭
 激勸資考據皆志家所不遺也志雜記
 通山縣三都地方崇禎元年四月間洪水
 衝出古銅鐘一口欵係周朝製造上有
 圜花鎔三字重十八斤聲極清遠初解
 本府不收後解存藩司南中紀聞見通志
 二里金右三往興國買花行中誤將客銀
 數十兩裝入花中攜歸其妻楊氏揀花

通山縣志

卷八

雜記

心田局

見之勸送還適行中誣其媳竊去幾斃
 命三至得免歸於途市一母猪至本里
 寺下地方猪往刺叢下發一鑊得銀數
 百兩三將此銀作善事子孫繁衍
 凡事興廢莫不有數存焉若通邑奎光閣
 之修三值辛丑年石航塔之修兩值癸
 亥年卽紅巾甲寅乙卯之破縣城兩值
 正月二十一日皆奇也
 道光十年庚寅五月朔至端午日霪雨不
 止龍水陡起數丈冲覆田園廬舍湮沒

男婦無算有上四里余步尼者出沒波濤洶湧中六十餘里至三里西坑塘賴龍舟救起繞身蛇虺無數人呼爲劉更生也

咸豐乙卯正月故歲貢王家幹家被賊焚棟宇悉成灰燼惟餘公神主及一歲進士匾懸於枋纍纍不絕咸謂公生平守正不阿盡心誨人之報

咸豐八年戊午秋上四里陳涉江家降紅雨色如桃花溝渠盈溢若是者八年之

通山縣志

卷八

雜記

二

心田局

間先後共七次或者以爲不祥旣而長次子相繼入武庠卒無他異云

咸豐庚申九月田東堡樂氏家塾有仙降乩不言禍福而詩多風雅最後請以八音冠首溪西雞齊啼爲韻卽書二律云
金城險不借山溪石載舟安取自西絲
釣艇飛旋戲蝶竹籬犬吠又鳴雞匏霜
繫樹空畱實土霧漫山不整齊革却煩
愁隨處樂木林傳韻和禽啼
金鏡朗如月照溪石磯孤艇繫橋西絲

絃雅調非因鼠竹屋深藏只聽雞匏實
秋零嫌露重土花春長與雲齊革除歲
月催人老木板霜痕鳥乍啼
問其姓名云明季解元姓成號醉癡
處士然此後絕不復至矣

張道清遺蛻素在九宮山供奉咸豐乙卯
年五月二十四日賊目僞將軍林入山
遍焚殿宇將遺蛻拽殿下幸未分散賊
退後造一六方桶斂之謀瘞座下開井
得一鐵罈內有紅綾記云兔從火出兔

通山縣志

卷八

雜記

三

心田局

見木藏但看六五月減精光歷劫非殃
天命靡常運周九六吾道復彰八語再
鑿得六方石窖適容斯桶遂葬焉查九
宮山志道清生宋紹興六年丙辰五月
二十日午時歿於開禧三年丁卯七月
七日午時可見神仙亦不能逃劫數也
今塑像於殿祈禱者仍不絕云

明李金門四川棉竹人以秀士入都不第
爲賀公逢聖記室已遷刊江司馬值獻
賊亂勢力不敵奔通羊遂遇害咸憫其
忠烈收亂骨而瘞於鶴山好善者嘗祀
之同治年間邑人禱雨求晴屢驗遂爲
重立碑於山頂新建祠於奎光閣之右

蔣邑侯審斷封禁縣治風水諸山讞語
查審得本邑獅子巖及蝦蟆嶺羅阜翠屏
白鶴石航均屬官山未報開墾從前管郭
兩姓互爭蝦蟆嶺山經劉憲前任勘明以
蝦蟆嶺等山爲閤縣風水攸關歷年封禁
保護士民不許私墾立斷嚴禁在案茲張
升秀等胆敢在獅子巖塔下鑿山挖煤傷
損地脈關礙通民經縣紳衿黃之榮等詞
稟前來對箔之下乃稱賃自阮以文家查
環列各山俱係未經呈報起科完糧之地

通山縣志

卷八

雜記

心田局

阮以文焉能攘爲己有如謂契約是憑亦
屬私相授受彼此私隱况開礦挖煤卽屬
己產尙須報明詳准始許開鑿今以官山
擅自私租私挖利己害人均屬不法本應
詳究姑寬各責以儆嗣後獅子巖及蝦蟆
嶺羅阜翠屏白鶴諸山永皆封禁概不得
開挖如敢玩違許地方士庶公稟嚴懲地
保狗隱並究不貸是爲案
乾隆三十四年五月十八日示

通山縣東城毓材坊國學葉畝潤爲遵批
勒石以垂久遠事本年四月十一日因書
院膏火不敷情愿將嘉慶九年價買徐耀
朝洋都畝阮家壠水田一址計二斗五升
新老印契二紙赴縣呈明捐入書院用資
小補當蒙 邑侯褚批書院膏火缺少難
以獎勵生童 本縣方爲籌策該生乃慕
義捐資殊屬可嘉候飭戶房將米收入書
院管內完糧併候招募佃戶耕種納租新
老二契發禮房粘卷隨招佃戶阮兆貴當

通山縣志

卷八

雜記

二

心田局

堂承種酌定每年額租四石書立租券其
原載正米七升五合亦卽過撥書院管內
在案夫捐田無多方自愧力薄不堪濟事
而 邑侯汲汲若此其培植斯文之意可
謂勤且摯矣是不可不有以傳之也爰鐫
碑一方豎之講堂以傳久遠並勸來者云
嘉慶十五年 歲官庚午四月穀旦刊

署通山縣事本任宣恩縣正堂胡 爲出示
嚴禁事據局紳王恢治陳書紱夏承志等
稟稱緣縣治周圍五里環列諸山爲闔縣
風水攸關歷來封禁保護士民不准墾挖
傷損地脉且於乾隆三十四年因地猾私
相授受擅自開鑿彼此私隱經邑紳黃之
榮等呈請前任 劉憲勘明接蒙 蔣憲
斷令縣治環列各山俱係未經呈報起科
完糧之地未可攘爲己有如謂契約是憑
亦係私相授受今以官山擅自私租私挖

通山縣志

卷八

雜記

三

心田局

利己害人均屬不法例應詳辦姑寬究責
示儆併荷泐石永禁獅子岩蝦蟆嶺羅阜
翠屏白鶴石航諸山概不准鑿石取煤燒
灰墾挖致傷地脉如敢抗違許隨時公稟
嚴懲地保狗隱併究不貸讞石現存縣署
厥後雖被奸徒竊發曾經城紳稟請申禁
茲查不法之徒復行違禁開挖稟請示禁
差拿等情當因事遠年湮無卷可查批據
該紳等摹碑續稟前來查核所呈碑摹讞
語確與稟內情形相符除批示准呈飭差

保查拿外合行出示嚴禁 爲此示仰闔
邑諸色人等知悉須知縣治周圍五里環
列諸山不惟係屬官山不准擅行開挖且
攸關闔縣風水久經刊碑示禁嗣後除各
山麓平地仍准耕播外所有護城環列諸
山只許栽蓄培植倘敢仍蹈前轍違禁開
挖一經拿獲到案定行盡法懲治決不姑
寬白示之後各宜凜遵毋違特示
同治七年二月十六日示

明萬曆十九年有徽民程湧呈捐北山田六畝丈積正米二斗三升八合六勺三抄詳准存學係佃戶邱林楚佃耕每年額納租穀八石內除二石完納錢糧外實納租穀六石發給貧生案據

嘉慶十六年監生葉含英潤兄弟捐獻四都

泉港田每歲納租穀二十餘石以作

學宮香燈翻蓋之費

同治二年邑紳夏承志朱美燮樂純青王

明賜徐逢治徐聯芳方先朗許日昇成

通山縣志

卷八

雜記

五

心田局

守善許曉初陳延俊鄭顯庸焦炳麟劉榮甲朱子經等倡勸闔邑士民各捐錢一千文暫買四都祖居墩下首田四斗計二坵每歲納租穀八石管名孔聖宮永遠奉學宮正殿後殿東西兩廡及鄉賢名宦二祠與文昌宮香燈其出貲姓名已豎碑名宦祠內餘錢後置田畝另行刊碑

同治六年十二月十六日

正堂胡 審斷龍神祠祭產讞

審據首士陳延俊樂音和朱協海等稟稱
管城等買補龍神祠田畝委係零星礮業
飭令管城在該祠前後左右不拘或田或
地買充公業如實無可買之田地卽飭管
城等繳錢七十五千文歸首士另行置買
倘再狡展抗繳定行重究此諭

十二月十九日管城等遵斷買得龍神
祠前地二塊計一斗八升價錢四十八

通山縣志

卷八

雜記

六

心田局

千文外找錢二十七千文又奉 憲發
出罰欸錢二十三千文一併歸入龍神
祠置產備祭

禁革報卒碑

特授通山縣儒學正堂黃 爲懇詳嚴禁
以肅 功令 恩全寒儒事乾隆廿七
年本學奉
簡命教諭斯邑邑人士之先後晉接者亟
言歷來報卒擾害之苦次年二月生員
王大經阮桂品等呈前事稱自報行通
縣民每於科歲兩試窺伺案發借稱報
喜名色人馬成羣列幟鳴鑼每到一家
不分貧富先索下馬利市次索花紅騾

脚銀兩然後再講謝儀頭報二報前後
接踵稍不遂意盤踞鬧擾寒儒窘迫受
累無窮等情到學 本學隨據情通詳
奉 府憲批 仰候飭禁繳 守憲批
候出示嚴禁繳 學憲批報卒勒索久
奉嚴禁嗣後有藉稱報卒等名色需索
喜錢者卽行嚴究按律重處仰通山縣
卽行出示嚴禁仍將遵行緣由報查繳
藩憲批 仰武昌府議詳飭禁繳
府憲錫 詳查得報卒滋擾久奉嚴禁

逐年以來復有遊棍不事恒業如遇考試之期輒行肆報藉稱提塘衙門官報勾串彼地民人夥赴生童之家需索酒食勒取銀錢寒士受累茲據該學具詳奉批發查議查得歲科兩考生童拔置前列以及招覆入學生員考取優等以及補廩補增若非該學門斗傳知易致通悞但不得糾眾鳴鑼致滋訛索之漸至文武鄉試中式舉人既經取中揭曉白能僻壤週知本無俟提塘之錄報茲

據該提塘覆稱並無前項情事則該教諭所詳明係附近地棍探聽消息成羣需索自應責成地方官嚴行禁止卑府臆見請嗣後無論歲科兩試及鄉會科場如有藉稱提塘人役聚眾鳴鑼需索酒食花紅責令地方官嚴拿枷責發落倘有聚眾滋擾釀成事端卽行通詳究治其門斗人役往來傳信在所不禁但不得恣意需索並移行各學教職一體禁約詳候 憲奪奉 批如詳飭禁繳

嗣於本年五月廿二日報卒王大周等
赴院捏控門役奉 學憲朱 批生童
考試門斗傳知乃其耑司若因此違
例勒索賞錢經生童告發自應重處不
貸爾係何物巡役膽敢架詞訛嚇希圖
朦准則向來藉報勒索之積弊必係爾
等糾踞所致仰武昌府嚴行訊究按律
懲治 批呈到 府經 府憲責懲示
儆申覆在案 本學誠恐日久弊滋報
卒復行乘機擾害苦累寒士而各門役

通山縣志

卷八

雜記

九

心田局

於案後走信者亦宜仰體 各憲及
本學垂念寒儒之心勿得恣意勒索致
干禁例合行勒石垂禁永昭法守以肅
功令

乾隆三十二年歲次丁亥夏月吉日候選
知縣掌通山縣儒學教諭事黃 璵刊
生員陳世燿書丹